

**Pineqarpoq: Meeqjanik inuuusuttuaqqanillu ikorsiisarneq pillugu Inatsisartut
inatsisissaat**

(Ilaqtariinnermut Inatsisinillu Atuutitsinermut Naalakkersuisuni ilaasortaq)

Saqqummiussaq

(Ilaqtariinnermut Inatsisinillu Atuutitsinermut Naalakkersuisuni ilaasortaq)

Siullermeerneqarnera

Siunnersummi matumani pingarnerpaatillugu siunertarineqarpoq meeqqat pisinnaatitaaffisigut nukittorsaavigineqarnissaat. Inatsisartut Inatsisaatigut qulakkeerniarneqassaaq, nunatsinni meeqjanik sullisisarnermi FN-p Meeqqat Pisinnaatitaaffii pillugit aalajangersagaq.

Aalajangersakkatigut qulakkeerniarneqarsimapput, nunat FN-p aalajangersagaanik malinnaaniarlutik atsioqataasimasut akuersaarsimassagaat meeqqat ataasiakkaatut namminerisaminnik naalakkersuinikkut, aningaasarsiornikkut, isumaginninnikkut kulturitigullu pisinnaatitaaffeqarnertik aallaavigalugit inooqataasinnaasarnissaat. Nunat pineqartut imminnut pisussaafflersimapput, inatsisiliornermikkut, allaffissornermikkut il.il. meeqqat pisinnaataaffii ilumut malinneqarnersut nakkutigisarissallugit.

Meeqqat Inuuusuttuaqqanillu ikorsiisarneq pillugu Inatsisartut inatsisissaattut matumuuna siunnersuutip piviusunngortinnejarnertigut nunarpot aalajangersakkap pineqartup naamassinniffigisinnaanissaanut suliniuteqarnermi annertuumik alloriaateqassaaq.

Siunnersuuteqarnermi ilanngullugu qulakkeerniarneqarpoq, nunatsinni meeqqat kikkuugaluartulluunniit perioriartornerminni toqqisisimallutik aammalu namminneq piginnaasatik toqqammavigalugit ajunnginnerpaamik atuisinnaalernissaat siunertaralugu peroriartorsinnaasarnissaat. Ilanngullugu qulakkeerniarneqassaaq meeqqat tamarmik ilinniagaqarnissamut periarfissaqartinnejarnissaat, taamaasillutik perorsimalerunik imminnut napatinissamut periarfissaqalersimassallutik.

Inatsisissatut siunnersuuteqarnikkut Naalakkersuisut Inatsisartullu naalakkersuinikkut suliniutigineqarsimasut malitseqartissavaat. Tamatuma saniatigut aamma pineqartunik sullisisartut kissaatigivaat nutaanik pitsanerusunillu meeqqat ikiorserneqartarnerat pillugit inatsiseqalernissaa, tassalu tamakku piviusunngortinniarlugit inatsisissaq ilusilersonnejarnissamat. Immikkut taaneqassaaq siunertarineqartut pillugit kommunit aammalu soqutigisaqaqtigii apeqqummut susassaqartut oqartussaassullu allat ataatsimeeqatigineqartarsimanerat.

Siunnersuuteqarnermi qulakkeerniarneqarsimavoq, meeqqanut sumiginnarnejarnissaamut ulorianartorsiuuteqartut pillugit iliuuseqaatissat piaartumik ingerlannejartarnissaat. Ulloq manna pillugu pasitsaassaqarnerni nalunaaruteqartarsinnaanissamut pisussaaffiliisimaneq atuutitiinnartinniarneqarpoq, naak siunnersummi matumani suli ersarinnerusunngorlugu suliarineqarsimagaluartoq. Tamatuma saniatigut communalbestyrelsit pisussaaffilernejarnertigut arlaatigut pasitsaassaqartoqarsimatillugu tamatigut iliuuseqaateqartarnissaamut. Arlaatigut

pasitsaassaqarluni nalunaaruteqarsimasoq tamatuma kingorna uppernarsaavigineqartassaaq, ilumut apuunneqartoq pillugu qanoq iliuuseqartoqassasoq.

Tamatuma saniatigut isiginiarneqarumaarpoq, meeqqat pineqartut tamatigut tusarniaavigineqartassasut. Tamannali allaffissornikkut sulianik isumaginninnerni suli pingaernerulersinneqassaaq. Iliuuseqaatiginiaakkat suut tamaasa qulaajarlugit meeqqap ajunnginnerpaamik pineqarnissaa siunertaralugu ilusilersuisoqartassaaq. Tamannali siunnersuummi qitiulluinnartut ilagivaat.

Siunnersuutip matuma kingunerisaanik kommunini sullisisut qanoq iliuuseqartarnissamut sakkussagissaarnerulissapput. Iliuuseqaataasimasut malitseqartinnejartarnissaat pillugit aalajangersakkatigut aaqqissuussinerit sukumiinerulersinneqarput, tassunatigummi qulakkeerniarneqartassammat iliuuseqaatit arlaatigut unitsiinnarnejartannginnissaat, soorlu inuusuttuaqqap 18-liisimanera pissutigiinnarlugu. Tamatuma saniatigut aalajangersakkat aamma ilaqparyut angajoqqaat meeqqallu pisussaaffilernejqarsinnaasarnissaanut. Meeraq angajoqqaajusullu suleqatigalugit kommunit periarfissinnejqassapput ilaqtariit pitsaanerusumik ingerlalersinnaanissaat siunertaralugu aqqutissiuusseqataasarnissaminut.

Siunnersuutip kingunerisinnaasai assut annertuujusussaapput, taakkuli kisimik nammineerlutik tunngavagineqartussaanatik. Naalakersuisut sullisisut inatsisip malinneqarnissaa siunertaralugu piginnaanngorsarnejqarnissaanik pilersaarusiussapput. Taamaattumillu kommunini sullisisut piareersimassallutik inatsit pineqartoq atuutilerpat qaammaasaqarluarlutik sullisisinnaanissamut. Tamatuma saniatigut ataavartumik sullisisartunik piginnaanngorsaasoqartassaaq, taamaasiornikkummi aamma anguniarnejqartarsinnaassammat nalornissutaasinnaasut ingerlaavartumik aaqqiissuteqarfingineqartarsinnaasarnissaat.